

lúia. **℟.** Omnes Angeli ejus, allelúia.

IN II. VESPERIS.

**Añæ et Capitulum ut in Laudibus. [301]**

**Psalmi de Domin. ut in Psalt. 147. et ultimo loco**

**Psalmus cxxxvij.**

**C**onfitebor tibi Dómine in toto corde meo : \* quóniam audísti verba oris mei.

In conspéctu Angelórum psallam tibi : \* adorábo ad templum sanctum tuum, et confitebor nómini tuo.

Super misericórdia tua, et veritate tua : \* quóniam magnificásti super omne, nomen sanctum tuum.

In quacúmque die invocávero te, exáudi me : \* multiplicábis in ánima mea virtútem.

Confiteántur tibi Dómine omnes reges terræ : \* quia audiérunt ómnia verba oris tui :

Et cantent in viis Dómini : \* quóniam magna est glória Dómini.

Quóniam excélsus Dóminus, et humilia réspicit : \* et alta a longe cognóscit.

Si ambulávero in médio tribulatiónis, vivificábis me : \* et super iram inimicórum meórum extendisti

manum tuam, et salvum me fecit dextera tua.

Dóminus retribuet pro me : \* Dómine misericórdia tua in sæculum : ópera mánuum tuárum ne despicias.

**Añæ.** Angeli, Archángeli, Throni et Dominatiónes, Principátus et Potestátes, Virtútes cœlórum, laudáte Dóminum de cœlis.

**Hymnus.**

**T**E splendor, et virtus Patris,

Te vita, Jesu, córdium, Ab ore qui pendent tuo, Laudámus inter Angelos.

Tibi mille densa millium Ducum coróna militat : Sed éxplicat victor crucem

Míchael salútis signifer. Dracónis hic dirum caput In ima pellit tártara,

Ducémque cum rebéllibus Cœlésti ab arce fúlminat.

Contra ducem superbíæ Sequámur hunc nos Príncipem,

Ut detur ex Agni Throno Nobis coróna glóriæ.

Patri, simúlque Fílio, Tibique sancte Spiritus, Sicut fuit, sit júgiter Sæclum per omne glória. Amen.

**℟.** In conspéctu Angelórum psallam tibi Deus

meus. **℟.** Adorábo ad templum sanctum tuum, et confitebor nómini tuo.

**Ad Magnif. Añæ.** Sancti Angeli, \* qui Deo in cœlis semper assistitis, deféndite nos in proelio, ut non pereámus in treméndo iudicio.

PRO FERIA III.

De SS. Apostolis.

Semiduplex.

**Omnia de Comuni Apostol. [1] præter seq.**

**Oratio.**

**D**Eus, qui nos per beatos Apóstolos tuos ad agnitióem tui nóminis venire tribuísti : da nobis eórum glóriam sempiténam et proficiéndo celebráre, et celebrándo proficere. Per Dóminum.

**In j. Nocturno, Lectiones de Scriptura occurrente.**

**In Quadrag. vero Lect.** Sic nos existimet. **de Comuni Apostolorum. [8]**

**In II. Nocturno.**

De Sermóne sancti Augustini Episcopi.

**Serm. xliij. de Sanctis.**

**Lectio iii.**

**I**sti sunt lux mundi : quia per ipsos lumen fidei, et veræ sciéntiæ primum Dóminus

huic mundo trádidit et ab errorum ac peccatórum ténebris gentes et pópulos éruit. Isti sunt sal terræ : quia per eos terrigenæ condiméntum saporis vitæ æternæ percepérunt, ut restríngerent carnis lasciviam, et a putredine peccatórum et vitiórum vérmibus servaréntur illæsi. Isti sunt lápides pretiósii, quos in fundaméto cœlestis ædificii pósitos Joánes in Apocalypsi sua describit : quia prædicatio eórum Ecclésiæ fundaménta locávit. Unde et Paulus ait : Vos estis cives Sanctórum et doméstici Dei, superædificáti super fundaméntum Apostolórum et Prophetárum.

**℟.** Vidi conjúctos viros habétes spléndidas vestes, et Angelus Dómini locútus est ad me, dicens : \* Isti sunt viri sancti facti amici Dei. **℟.** Vidi Angelum Dei fortem, volántem per médium cœlum, voce magna clamántem, et dicéntem. — Isti sunt.

**Temp. Pasch. ℟.** Lux perpétua lucébit sanctis tuis Dómine, \* Et æternitas téporum, allelúia, allelúia. **℟.** Lætítia sempitérna erit super cápita eó-

rum : gáudium et exsultationem obtinébunt. — Et.

*Lectio v.*

**H**OC ergo considerántes, fratres caríssimi, quæ tanti duces pópuli nos docuérunt, studeámus factis implére, quæ illi iusserunt. Discámus eórum exémplo mundi divítias conténnere, præsentis sæculi voluptátem non amáre, regnum cœléste desideráre, Christo nihil præponere, sed ejus mandátis in ómnibus obedíre, paupertátem præsentium rerum diligere, virtútum divítias habére, sapiéntiæ thesáurum appétere, spirítales delicias quærere, nulli invidére, sed omnes hómines diligere, amícos in Deo et inimícos propter Deum; quia hæc est vera et sola diléctio.

*℟.* Beáti estis cum maledixerint vobis hómines, et persecúti vos fúerint, et dixerint omne malum advérsus vos, mentiéntes, propter me : \* Gaudéte et exsultáte, quóniam merces vestra copiósa est in cœlis. *℣.* Cum vos óderint hómines, et cum separáverint vos, et exprobráverint, et ejécerint nomen vestrum tamquam malum

propter Fílium hóminis. — Gaudéte.

*Temp. Pasch. ℟.* Virtúte magna reddébant Apóstoli, \* Testimónium resurrectionis Jesu Christi Dómini nostri, allelúia, allelúia. *℣.* Repléti quidem Spíritu sancto loquebantur cum fidúcia verbum Dei. — Testimónium.

*Lectio vj.*

**I**sti ergo Príncipes noster, in amóre Dei perfectíssimi, et in proximórum dilectióne impléti, hinc potuérunt mundi ímpetum víncere, et cruentum sæculum domáre, quia nihil amavérunt in omni re, nisi Dei voluntátem. Ita et nos, fratres, diligámus in ómnibus rebus Dei fácere voluntátem, et Creatórem nostrum amémus in semetípso, creatúram vero in conditóre suo, et sic habébitus ordinatíssimam caritátem : quia Deus caritas est, et qui diligit hanc dilectiónem, diligit Deum. Et si ita dilexérimus, diligit nos ipse Deus, diligunt nos et sancti Apóstoli júdices nostri, et exórant pro nobis, ut in universáli judicio Christi cum ipsis in perpétuum coronémur.

*℟.* Isti sunt triumphatóres. [12]

*Temp. Pasch. ℟.* Isti sunt agni. [30]

*In III. Nocturno.*

Léctio sancti Evangélii secúndum Matthæum.

*Lectio vij. Cap. xix.*

**I**N illo témpore : Dixit Petrus ad Jesum : Ecce nos reliquimus ómnia, et secúti sumus te : quid ergo erit nobis? Et réliqua.

Homília sancti Hilárii Episcopi.

*Comm. in Matth. cap. xx.*



**A**Póstoli dictis Dómini hæc reddunt, reliquisse se ómnia, et cum ipso esse. Quibus Dóminus, cum séderit in majestátis suæ sede, sessúros super sedes duodecim, ac tótidem tribus Israel judicatúros spopóndit; omnibúsque qui univérsa reliquerint propter nomen ejus, fructum centupli præmii reservátum : multos autem ex novíssimis primos, et ex primis futúros novíssimos. Multa sunt quæ non sinunt nos simplici intelléctu dicta Evangélica suscipere.

*℟.* Isti sunt qui vivéntes in carne, plantavérunt Ecclesiám ságuine suo : \* Cálicem Dómini bibé-

runt, et amíci Dei facti sunt. *℣.* In omnem terram exívit sonus eórum, et in fines orbis terræ verba eórum. — Cálicem.

*Temp. Pasch. ℟.* Ego sum vitis vera, et vos palmítes : \* Qui manet in me, et ego in eo, hic fert fructum multum, allelúia, allelúia. *℣.* Sicut diléxit me Pater et ego diléxi vos. — Qui manet.

*Lectio viij.*

**I**nterpositis nonnullis rebús, quæ ex natúra húmáni sensus sibi contráriæ sunt, ratióne quærere cœléstis intelligéntiæ admonémur. Apóstoli dicunt, et sequi se Christum, et se ómnia reliquisse. Quómodo ígitur fiunt tristes, et quómodo métuunt dicétes, salvum esse néminem posse? Namque et ab aliis fieri póterat, si quid fecissent ipsi. Deínde cum fecissent ipsi; quare metus, vel unde susceptus est? Additur étiam in responsióne Dómini, hæc apud hómines impossibília, possibília apud Deum. Numquid apud hóminem impossibília erant, quæ et Apóstoli fecisse se gloriántur, et fecisse eos Dóminus agnóscit?

**℟.** Isti sunt viri sancti, quos elégit Dóminus in caritate non ficta, et dedit illis glóriam sempitérnam : \* Quorum doctrína fulget Ecclésia, ut sole luna. **℣.** Sancti per fidem vicérunt regna, operáti sunt justítiam.—Quorum. Glória Patri. Quorum.

**Temp. Pasch. ℟.** Cándidi facti sunt Nazaræi ejus, allelúia : splendórem Deo dedérunt, allelúia : \* Et sicut lac coaguláti sunt, allelúia, allelúia. **℣.** Cándidióres nive, nitidióres lacte, rubicundióres ébore antiquo, sapphíro pulchrióres.—Et. Glória. Et.

**Lectio ii.**

**O**Mnis itaque hic sermo est spiritalis. Quid autem Dei virtuti tam possibile est, quam ut per fidem salvet? ut per aquam regéneret? ut per crucem vincat? ut per Evangélica adóptet? ut per resurrectionem ex morte vivificet? Quibus auditis Apóstoli cito credunt, seséque ómnia reliquísse profiténtur. Sed hanc eórum obediéntiam cito Dóminus remunerátur, omnem difficultátem superióriis quæstiónis absólvens, cum dicit : Vos, qui secúti estis

me, in regeneratióne, judicábitis duódecim tribus Israel. Hæc enim illa regeneratió est, quam Apóstoli sunt secúti, quam lex indulgére non pótuit, quæ eos super duódecim thronos in judicándis duódecim tribubus Israel, in duódecim Patriarchárum glória copulávit.

Te Deum. 20.

**PRO FERIA IV.****De S. Joseph.**

**Sponso B. M. V. Conf. et Catholicæ Ecclesiæ Patrono. Semiduplex.**

**IN II. VESPERIS.**

**Añæ de Laudibus. [315]**

**Psalmi ut in j. Vesp. de Communi Apostol. [1] Capitulum. Gen. xlix. d**

**B**enedictiões patris tui confortatæ sunt benedictiões patrum ejus : donec veniret desidérium cõlium æternórum : fiant in cápite Joseph, et in vértice Nazaræi inter fratres suos.

**Hymnus.**

**T**E, Joseph, célebrent ágmina Cœlitum, Te cuncti résonent Christiádum chori, Qui clarus méritis, junctus es ínclytæ Casto fœdere Virgini.

Almo cum túmidam gérmine cõjugem  
Admírans, dúbio tángeris  
ánxius,  
Afflátu súperi Fláminis  
Angelus  
Concéptum púerum docet.  
**T**u natum Dóminum stringis, ad éxteras  
Ægypti prófugum tu séqueris plagas;

Amíssum Sólymis quæris, et invenis,

Miscens gáudia flétibus.

**P**ost mortem réliquo mors pia cõsecrat,  
Palmámque eméritos glória súscipit :

Tu vivens, Súperis par, frúeris Deo,  
Mira sorte beátior.

**N**obis, summa Trias, parce precántibus,  
Da Joseph méritis sídera scándere :

Ut tandem liceat nos tibi pérpetim  
Gratum prómere cánticum. Amen.

**℣.** Constituit eum dóminum domus suæ. **℟.** Et príncipem omnis possessionis suæ.

**Ad Magnif. Añæ.** Cum esset desponsáta \* Mater Jesu María Joseph, ántequam convenirent, invénta est in útero habens de Spíritu sancto.

**Oratio.**

**D**Eus, qui ineffábili providéntia beátum Joseph sanctíssimæ Genitricis tuæ sponsum eligere dignátus es : præsta quæsumus, ut quem protectórem venerámur in terris, intercessórem habere mereámur in cœlis. Qui vivis.

**AD MATUTINUM.**

**Invitat.** Laudémus Deum nostrum, \* In veneratióne beáti Joseph, protectóris nostri. **Ps.** Venite. 2.

**Hymn.** Te, Joseph. *supra.*

**In I. Nocturno.**

**Añæ.** Ascéndit Joseph \* a Galilæa de civitate Nazareth in Judæam, in civitátem David, quæ vocátur Bétlehem, ut profiterétur cum María.

**Psalmi trium Nocturn. de Communi Conf. [114]**

**Añæ.** Venérunt pastóres \* festinántes : et invénérunt Mariam, et Joseph, et infántem pósitum in præsépio.

**Añæ.** Ecce Angelus Dómini \* apparuit in somnis Joseph, dicens : Surge, et accipe púerum, et matrem ejus, et fuge in Ægyptum.

**℣.** Confitébor nómini tuo. **℟.** Quóniam adjútor et protéctor factus es mihi.

Lectiones de Scriptura  
occurr. cum *℟℞.* ut infra.

In Quadragesima vero,  
Feriis Quatuor Temporum  
et Vigilia Ascensionis di-  
cuntur sequentes Lectio-  
nes.

De libro Génesis.

Lectio j. Cap. xxxix.

**A**gitur Joseph ductus  
est in Ægyptum,  
emittique eum Púti-  
phar eunúchus Pharaónis,  
princeps exercitus, vir  
Ægyptius, de manu Smae-  
litarum, a quibus perdú-  
ctus erat. Fuitque Dómi-  
nus cum eo, et erat vir in  
cunctis prospere agens :  
habitavitque in domo dó-  
mini sui, qui óptime nóve-  
rat Dóminum esse cum  
eo, et ómnia, quæ gére-  
ret, ab eo dirigi in manu illius.  
Invenitque Joseph grá-  
tiam coram dómno suo,  
et ministrabat ei, a quo  
præpositus ómnibus gu-  
bernabat creditam sibi do-  
mum, et univèrsa quæ ei  
trá dita fuerant : benedi-  
xitque Dóminus dómui  
Ægyptii propter Joseph,  
et multiplicavit tam in  
ædibus quam in agris cun-  
ctam ejus substantiam :  
nec quidquam áliud nóve-  
rat, nisi panem quo vesce-  
batur. Erat autem Joseph

pulchra fácie, et decórus  
aspéctu.

*℟.* Clamavit pópulus ad  
regem, aliménta petens :

\* Quibus ille respondit :  
Ite ad Joseph. *℣.* Salus  
nostra in manu tua est :  
réspice nos tantum, et læti  
serviémus regi. — Qui-  
bus ille.

Lectio ij. Gen. cap. xlj. c

**P**lacuit Pharaóni con-  
siliium et cunctis mi-  
nistris ejus : locutusque est  
ad eos : Num invenire pot-  
érimus talem virum, qui  
spíritu Dei plenus sit? Di-  
xit ergo ad Joseph : Quia  
osténdit tibi Deus ómnia  
quæ locútus es, numquid  
sapientiorem et consimi-  
lem tui invenire pótero?  
Tu eris super domum  
meam, et ad tui oris im-  
périum cunctus pópulus  
obédiet : uno tantum regni  
sólio te præcedam. Dixit-  
que rursus Phárao ad Jo-  
seph : Ecce, constitui te  
super univèrsam terram  
Ægypti. Tulitque ánnu-  
lum de manu sua, et de-  
dit eum in manu ejus :  
vestivitque eum stola bys-  
sina, et collo torquem áu-  
ream circumposuit. Fecit-  
que eum ascéndere super  
currum suum secúndum,  
clamante præcone, ut om-

nes coram eo genu flécte-  
rent, et præpositum esse  
scirent univèrsæ terræ  
Ægypti.

*℟.* Fecit me Deus quasi  
patrem regis, et dómi-  
num univèrsæ domus ejus :  
\* Exaltavit me, ut salvos  
faceret multos pópulos.  
*℣.* Venite ad me, et ego  
dabo vobis ómnia bona  
Ægypti, ut comedátis  
medúllam terræ. — Exal-  
tavit me.

Lectio iij. Gen. cap. xlj. f

**D**ixit quoque rex ad  
Joseph : Ego sum  
Phárao : absque tuo impé-  
rio non movébit quisquam  
manum aut pedem in om-  
ni terra Ægypti. Vertitque  
nomen ejus, et vocavit  
eum lingua Ægyptiaca,  
Salvátorem mundi. Dedit-  
que illi uxórem Aseneth  
fíliam Putipháre sacerdotis  
Heliopóleos. Egressus  
est itaque Joseph ad ter-  
ram Ægypti (trigínta au-  
tem annórum erat quando  
stetit in conspéctu regis  
Pharaónis) et circuívit  
omnes regiónes Ægypti.  
Venitque fertilitas septem  
annórum : et in manipulos  
redactæ ségetes congre-  
gatæ sunt in hórrea Ægy-  
pti. Omnis étiam frugum  
abundántia in síngulis úr-

bibus cóndita est. Tánta-  
que fuit abundántia trítici,  
ut arénæ maris coæqua-  
rétur, et cópia mensúram  
excéderet.

*℟.* Jam lætus móriar  
quia vidi fáciem tuam, et  
superstitem te relinquo.  
Non sum fraudátus aspé-  
ctu tuo : \* Insuper ostén-  
dit mihi Dóminus semen  
tuum. *℣.* Qui pascit me  
ab adolescéntia mea, be-  
nedicat púeris istis, et in-  
vocétur super eos nomen  
meum. — Insuper. Glória  
Patri. Insuper.

In II. Nocturno.

*Añ.* Consúrgens Jo-  
seph, \* accépit púerum et  
matrem ejus nocte, et se-  
cèssit in Ægyptum : Et  
erat ibi usque ad óbitum  
Heródis.

*Añ.* Defúncto Heróde,\*  
Angelus Dómini apparuit  
in somnis Joseph in Ægy-  
pto, dicens : Surge, et ác-  
cipe púerum et matrem  
ejus, et vade in terram  
Israel : defúncti sunt enim  
qui quærebant ánimam  
púeri.

*Añ.* Accépit Joseph \*  
púerum et matrem ejus,  
et venit in terram Israel.

*℣.* Réspice de cælo, et  
vide, et visita véream  
istam. *℟.* Et pérface eam.

Sermo sancti Bernárdi  
Abbátis.

Homilia ij. super Missus  
Lectio ih.

**E**sponsáta est María Joseph, vel pótius (sicut ponit Evangelísta) viro, cui nomen erat Joseph : virum nóminat, non quia marítus, sed quod homo virtútis erat : vel pótius quia juxta álium Evangelístam, non vir simpliciter, sed vir ejus dictus est, mérito appellátur quod necessário putátur. Débuit ergo vir ejus appellári, quia necesse fuit et putári : sicut et pater Salvatóris non quidem esse, sed dici méruit, ut putarétur esse, dicente hoc ipso Evangelísta : Et ipse Jesus erat incípiens quasi annórum triginta, ut putabátur, filius Joseph.

℞. Dedísti mihi protectiónem salútis tuæ, et dextera tua suscepit me : \* Protéctor meus, et cornu salútis meæ, et susceptor meus. ℣. Ego protéctor tuus sum, et merces tua magnanimis. — Protéctor.

Lectio h.

**N**ON est dúbium, quin bonus et fidélis homo fúerit iste Joseph, cui

Mater desponsáta est Salvatóris. Fidélis, inquam, servus et prudens, quem constituit Dóminus suæ Matris solátium, suæ carnis nutrítium, solum déni- que in terris magni consílii coadjutórem fidelíssimum. Huc accédit, quod dicitur fuisse de domo David. Vere enim de domo David. Vere de régia stirpe descendit vir iste Joseph, nóbilis genere, mente nobílior. Plane filius David, non degenerans a patre suo David; prorsus, inquam, filius David, non tantum carne, sed fide, sed sanctitate, sed devotióne, quem tamquam álium David Dóminus invénit secúndum cor suum, cui tuto committeret sacratíssimum atque secretíssimum sui cordis arcánium : cui tamquam álieri David, incérta et occúlta sapiéntiæ suæ manifestávit, et dedit illi non ignárum esse mysterii, quod nemo príncipum hujus sæculi agnóvit.

℞. Státuet filios suos sub tégmine illius, et sub ramis ejus morábitur : protegétur sub tégmine illius a fervóre : \* Et in glória ejus requiescet. ℣. Sperá-

te in eo, omnis congregátio pópuli : effúndite coram illo corda vestra. — Et in glória.

Lectio vj.

**C**UI déni- que datum est, quod multi reges et Prophétæ cum vellent vidére, non viderunt, audíre et non audierunt, non solum vidére et audíre, sed étiam portáre, dedúcere, amplécti, deosculári et nutrírre et custodíre. Non tantum autem Joseph, sed et María descendísse credénda est de domo David : alióquin non esset desponsáta viro de domo David, si non esset et ipsa de domo David. Ambo igitur erant de domo David : sed in áliera compléta est véritas, quam jurávit Dóminus David, áliero tamen cónsocio et teste adimplétæ promissiónis.

℞. Si consistant advérsus me castra, non timébit cor meum : \* Si exsúrgat advérsus me prælium, in hoc ego sperábo. ℣. In te cantátio mea semper, quóniam tu adjútor fortis. — Si exsúrgat. Glória. Si.

In III. Nocturno.

Aña. Audiens Joseph \* quod Archeláus regnáret

in Judæa pro Heróde patre suo, timuit illo ire.

Aña. Admónitus in somnis, \* Joseph secéssit in partes Galilææ: et véniens habitávit in civitáte quæ vocátur Náza-reth; ut adimplerétur quod dictum est per Prophétas : Quóniam Nazareus vocábitur.

Aña. Erat pater Jesu \* et mater mirántes super his quæ dicebantur de illo; et benedíxit illis Símeon.

℣. Invocávi Dóminum Patrem Dómini mei. ℞. Ut non derelinquat me in die tribulatiónis.

Lectio sancti Evangelíi secúndum Lucam.

Lectio vij. Cap. iij. c

**I**N illo témpore : Factum est autem, cum baptizáretur omnis pópulus et Jesu baptizáto et oránte, apértum est cælum. Et réliqua.

Homília sancti Augustíni Epíscopi. Lib. 23. contra Faust. cap. vij. et viij.

**S**IC de cælo dictum est super aquam Jordánis : Hic est Fílius meus diléctus, in quo mihi bene complácu : quem admodum dictum est et in monte. Neque enim quia et ibi de cælo vox ipsa sónuít, Fílius Dei

ante non fuit : quándó-  
quidem ex útero Virgini-  
s ille accépit formam servi,  
qui cum informa Dei esset,  
non rapinam arbitrátus  
est, esse se æquálem Deo.  
Dénique idem Apóstolus  
Paulus álio loco apertíssimè  
dicit : Cum autem ven-  
nit plenitúdo témporis,  
misit Deus Fílium suum  
factum ex muliere, factum  
sub lege, ut eos, qui sub  
lege erant, redímeret, ut  
filiórum adoptiónem reci-  
perémus. Ipse ergo est  
Fílius Dei, qui et Dóminus  
David secúndum divini-  
tátem, et idem ipse fílius  
David ex sémine David  
secúndum carnem.

**R.** Joseph fili David, noli  
timére accípere Mariám  
cónjugem tuam : quod  
enim in ea natum est, de  
Spirítu sancto est : páriet  
autem fílium, \* Et vocábis  
nomen ejus Jesum. **V.** Ipse  
enim salvum fáciat pópu-  
lum suum a peccátis eo-  
rum. — Et vocábis.

**Lectio viij.**

**Q**uod si nobis crédere  
non prodésset, non  
hoc tam atténte idem Apó-  
stolus Timótheo commen-  
dáret dicens : Memor esto  
Christum Jesum resurre-  
xisse a mórtuis, ex sémine

David, secúndum Evan-  
gélium meum. Quid ergo  
jam móveat sancti Evan-  
gélii sectatórem, quod si-  
ne concúbitu Joseph Chri-  
stus natus ex Virgine,  
fílius tamen David appel-  
látur, cum generatiónum  
sériem non usque ad Ma-  
riám, sed usque ad Joseph  
Matthæus Evangelísta  
perdúcat? Primo quia ma-  
riti ejus fúerat propter vi-  
rilem sexum pótius hono-  
ránda persóna : neque  
enim quia concúbitu non  
permíxtus, ideo non ma-  
rítus, cum ipse Matthæus  
narret ab Angelo Mariám  
cónjugem ipsíus appellá-  
tam, qui narrat, quod de  
Spirítu sancto concéperat.

**R.** Surge, et áccipe púe-  
rum et matrem ejus, et fu-  
ge in Ægyptum : \* Et esto  
ibi usque dum dicam tibi.  
**V.** Ut adimplerétur quod  
dictum est a Dómino per  
Prophétam dicentem : Ex  
Ægypto vocávi fílium  
meum. — Et. Glória. Et.

**Lectio ix.**

**C**UM vero unus idem-  
que narrátor utrúm-  
que dicat, utrúmque com-  
méndet, et virum Mariæ  
Joseph, et Christi Virgi-  
nem Matrem, et Christum  
ex sémine David, et Jo-

seph in série progenerató-  
rum Christi ex David :  
quid restat, nisi et Mariám  
non fuisse extráneam a  
cognatióne David, et eam  
Joseph cónjugem non fru-  
stra appellátam propter  
órdinem sexus et animó-  
rum confœderatiónem; et  
Joseph pótius propter di-  
gnitátem virilem ab ór-  
dine generatiónum illárum  
non fuisse separándum, ne  
hoc ipso viderétur ab illa  
fémina separátus, cui eum  
conjungébat mentis affe-  
ctus? Te Deum. 20.

**AD LAUDES,**

**et per Horas, Añæ.**

1. Jacob autem \* génuít  
Joseph virum Mariæ, de  
qua natus est Jesus, qui  
vocátur Christus.

**Psalmi de Dominica. 21.**

2. Missus est \* Angelus  
Gábriel a Deo in civitátem  
Galilææ, cui nomen Ná-  
zareth, ad vírginem de-  
sponsátam viro, cui nomen  
erat Joseph.

3. Ascéndit autem \* Jo-  
seph a Galilæa de civitáte  
Názareth, in Judæam in  
civitátem David, quæ vo-  
cátur Bétlehem.

4. Et venérunt festinán-  
tes, \* et invenérunt Ma-  
riám et Joseph, et infán-  
tem pósito in præsépio.

5. Et ipse Jesus \* erat in-  
cipiens quasi annórum tri-  
ginta, ut putabátur, fílius  
Joseph.

**Capítulum. Gen. xlix. d**

**B**enedictiónes patris  
tui confortátæ sunt  
benedictiónibus patrum  
ejus : donec veniret desi-  
dérium cóllium aeternó-  
rum : fiant in cápite Jo-  
seph, et in vértice Nazaræi  
inter fratres suos.

**Hymnus.**

**C**elitum Joseph decus,  
atque nostræ  
Certa spes vitæ, columén-  
que mundi,

Quas tibi læti cánimus,  
benignus  
Súscipe laudes.

**T**e Sator rerum státuit pu-  
dicæ

Virgini sponsum, voluit-  
que Verbi

Te patrem dici, dedit et  
ministrum

Esse salutis.

**T**u Redemptórem stábulo  
jacéntem,

Quem chorus Vatum céci-  
nit futúrum,

Aspicis gaudens, humilís-  
que natum

Numen adóras.

**R**ex Deus regum, Domi-  
nátor orbis,

Cujus ad nutum tremit in-  
ferórum

Turba, cui pronus famulatur aether,  
Se tibi subdit.

Laus sit excelsae Triadi  
perennis,  
Quae tibi praebens superos  
honores,  
Det tuis nobis meritis  
beatæ

Gaudia vitae. Amen.

¶ Dedisti mihi protectionem salutis tuae. **R.** Et dextera tua suscepit me.

**Ad Benedictus, Añ.** Joseph fili David, \* noli timere accipere Mariam conjugem tuam : quod enim in ea natum est, de Spiritu sancto est.

**Oratio.**

**D**Eus, qui ineffabili providentia beatum Joseph sanctissimae Genitricis tuae sponsum eligere dignatus es : praesta quaesumus, ut quem protectorem veneramur in terris, intercessorem habere mereamur in caelis. Qui vivis et regnas.

**AD TERTIAM.**

**Capit. ut ad Laud. [315]**

**R.** br. Constituit eum, \* Dominum domus suae. Constituit. ¶ Et principem omnis possessionis suae. Dominum. Gloria Patri. Constituit.

¶ Confitebor nomini tuo. **R.** Quoniam adjutor et protector factus es mihi.

**Tempore Paschali.**

**R.** br. Constituit eum dominum domus suae, \* Alleluia, alleluia. Constituit. ¶ Et principem omnis possessionis suae. Alleluia, alleluia. Gloria Patri. Constituit eum.

¶ Confitebor nomini tuo, alleluia. **R.** Quoniam adjutor et protector factus es mihi, alleluia.

**AD SEXTAM.**

**Capitulum. Gen. xlix. c**

**D**Eus patris tui erit adjutor tuus, et Omnipotens benedict tibi benedictionibus caeli desuper.

**R.** breve. Confitebor, \* Nomini tuo. Confitebor. ¶ Quoniam adjutor et protector factus es mihi. Nomini. Gloria. Confitebor.

¶ Justus germinabit sicut liliam. **R.** Et florabit in aeternum ante Dominum.

**Tempore Paschali.**

**R.** br. Confitebor nomini tuo, \* Alleluia, alleluia. Confitebor. ¶ Quoniam adjutor et protector factus es mihi. Alleluia, alleluia.

Gloria Patri. Confitebor.

¶ Justus germinabit sicut liliam, alleluia. **R.** Et

florabit in aeternum ante Dominum, alleluia.

**AD NONAM.**

**Capitulum. Gen. xlix. c**

**F**ilius accrescens Joseph, filius accrescens et decorus aspectu : filiae discurrerunt super murum.

**R.** br. Justus germinabit, \* Sicut liliam. Justus. ¶ Et florabit in aeternum ante Dominum. Sicut. Gloria Patri. Justus.

¶ Plantatus in domo Domini. **R.** In atrii domus Dei nostri.

**Tempore Paschali.**

**R.** br. Justus germinabit sicut liliam, \* Alleluia, alleluia. Justus. ¶ Et florabit in aeternum ante Dominum. Alleluia, alleluia. Gloria Patri. Justus.

¶ Plantatus in domo Domini, alleluia. **R.** In atrii domus Dei nostri, alleluia.

**IN II. VESPERIS.**

**Añae ut in Laud. [315]**  
**Psalmi ut in j. Vesperis de Communi Apostol. [1]**

**Capitulum et Hymnus ut in j. Vesperis. [308]**

¶ Sub umbra illius quem desideraveram sedi. **R.** Et fructus ejus dulcis gutturi meo.

**Ad Magnif. Añ.** Fili, quid fecisti \* nobis sic?

Ecce pater tuus et ego dolentes querebamus te.

**PRO FERIA V.**

**De SS. Eucharistiae Sacramento.**

**Semiduplex.**

**IN I. VESPERIS.**

**Añ.** Sacerdos in aeternum.

**Psalmus cix.**

**I**xit Dominus Domino meo : \* Sede a dextris meis :

Donec ponam inimicos tuos, \* scabellum pedum tuorum.

Virgam virtutis tuae emittet Dominus ex Sion : \* dominare in medio inimicorum tuorum.

Tecum principium in die virtutis tuae in splendoribus sanctorum : \* ex utero ante luciferum genui te.

Juravit Dominus, et non poenitebit eum : \* Tu es sacerdos in aeternum secundum ordinem Melchisedech.

Dominus a dextris tuis, \* confrigit in die irae suae reges.

Judicabit in nationibus, implebit ruinas : \* conquassabit capita in terra multorum.

De torrente in via bibet : \* propterea exaltabit caput.

**Añā.** Sacérdos in ætérnum Christus Dóminus secúndum órđinem Melchisedech, panem et vinum obtulit.

**Añā.** Miserátor Dóminus.

**Psalmus cx.**

**C**onfitebor tibi Dómine in toto corde meo : \* in consilio justórum et congregatióne.

Magna ópera Dómini : \* exquisita in omnes voluntates ejus.

Confessio et magnificéntia opus ejus : \* et justítia ejus manet in sæculum sæculi.

Memóriam fecit mirábilium suórum, miséricors et miserátor Dóminus : \* escam dedit timéntibus se.

Memor erit in sæculum testaménti sui : \* virtútem óperum suórum annuntiábit pópulo suo :

Ut det illis hereditátem Géntium : \* ópera mánuum ejus véritas, et júdicium.

Fidélia ómnia mandata ejus : confirmáta in sæculum sæculi, \* facta in veritate et æquitáte.

Redemptiónem misit pópulo suo : \* mandávit in ætérnum testaméntum suum.

Sanctum, et terríbile no-

men ejus : \* inítium sapientiæ timor Dómini.

Inteléctus bonus ómnibus faciéntibus eum : \* laudatio ejus manet in sæculum sæculi.

**Añā.** Miserátor Dóminus escam dedit timéntibus se in memóriam suórum mirábilium.

**Añā.** Cálicem salutáris.

**Psalmus cxv.**

**C**redidi, propter quod locutus sum : \* ego autem humiliátus sum nimis.

Ego dixi in excéssu meo : \* Omnis homo mendax.

Quid retribuam Dómino, \* pro ómnibus, quæ retribuit mihi?

Cálicem salutáris accipiam : \* et nomen Dómini invocábo.

Vota mea Dómino reddam coram omni pópulo ejus : \* pretiósā in conspéctu Dómini mors sanctórum ejus :

O Dómine quia ego servus tuus : \* ego servus tuus, et filius ancillæ tuæ. Dirupisti víncula mea : \*

tibi sacrificábo hóstiam laudis, et nomen Dómini invocábo.

Vota mea Dómino reddam in conspéctu omnis pópuli ejus : \* in átriis do-

mus Dómini, in médio tui Jerúsalem.

**Añā.** Cálicem salutáris accipiam, et sacrificábo hóstiam laudis.

**Añā.** Sicut novellæ olivárum.

**Psalmus cxvii.**

**B**eatí omnes, qui timeant Dóminum, \* qui ámbulant in viis ejus. Labóres mánuum tuárum quia manducábis : \* beátus es, et bene tibi erit.

Uxor tua sicut vitis abúndans, \* in latéribus domus tuæ.

Filii tui sicut novellæ olivárum, \* in circúitu mensæ tuæ.

Ecce sic benedicétur homo, \* qui timet Dóminum.

Benedicat tibi Dóminus ex Sion : \* et vídeas bona Jerúsalem ómnibus diébus vitæ tuæ.

Et vídeas filios filiórum tuórum, \* pacem super Israel.

**Añā.** Sicut novellæ olivárum, Ecclésiæ filii sint in circúitu mensæ Dómini.

**Añā.** Qui pacem.

**Psalmus cxviii.**

**L**auda Jerúsalem Dóminum : \* lauda Deum tuum Sion.

Quóniam confortávit se- ras portárum tuárum : \*

benedixit filiis tuis in te.

Qui pósuit fines tuos pacem : \* et ádipe fruménti sátiat te.

Qui emíttit elóquium suum terræ : \* velóciter currit sermo ejus.

Qui dat nivem sicut lanam : \* nébulam sicut cinerem spargit,

Mittit crystallum suam sicut buccéllas : \* ante faciém frígoris ejus quis sustinébit?

Emíttet verbum suum, et liquefaciet ea : \* flabit spíritus ejus, et fluent aquæ.

Qui annúnciat verbum suum Jacob : \* justítias, et júdicia sua Israel.

Non fecit táliter omni nátióni : \* et júdicia sua non manifestávit eis.

**Añā.** Qui pacem ponit fines Ecclésiæ, fruménti ádipe sátiat nos Dóminus.

**Capitulum.** i. Cor. xj. e



Ratres, Ego enim accépi a Dómino quod et tradidi vobis, quóniam Dóminus Jesus in qua nocte tradebátur, accépit panem, et grátias agens fregit, et dixit : Accipite, et manducáte : hoc est corpus meum, quod pro vobis tradétur : hoc facite in meam commemoratióne.